



REPUBLIKA E SHQIPERISE
MINISTRIA E FINANCIVE
DREJTORIA E MAKROEKONOMISE

EKONOMIA DHE BUXHETI



ECONOMY AND BUDGET

JANAR - JANUARY
2006

TIRANE

Raporti Mujor

Janar 2006


Personi i kontaktit: Luiza JANO
Telefon: ++355 4 258437
E-mail: macro.director@minfin.gov.al
www.minfin.gov.al

PERMBAJTJA

1. VECORITE KRYESORE.....	4
2. TIPARE TË TABELAVE SPECIFIKE.....	6
a. IÇK DHE TREGUES TË TJERË.....	8
b. SEKTORI FISKAL.....	11
c. SEKTORI I JASHEM.....	13
d. SEKTORI MONETAR.....	14
3. TABELAT MBËSHETËSE	
a. Indeksi i Çmimeve të Konsumit	
b. Kursi i këmbimit	
c. Buxheti i konsoliduar	
d. Shpenzimet institucionale	
e. Shpenzimet sipas funksionit	
f. Investimet	
g. Të ardhurat sipas burimeve	
h. Të ardhurat sipas klasifikimit ekonomik	
i. Financimi i defiçitit	
j. Mjete valutore neto	
k. Kredi i brendshëm	
l. Oferta e parasë	
m. Depozitat sipas burimeve	

1. VECORITE KRYESORE :

- ❖ **Indeksi i çmimeve te konsumit** ne muajin Janar 2006, arriti ne 109.7 perqind, duke shenuar nje rritje mujore prej 0.2 përqind, pas rritjes prej 2.2 dhe 0.2 perqind, perkatesisht ne muajt dhjetor_05 dhe nentor_05. Norma vjetore e inflacionit, per muajin Janar ishte 1.4 perqind, duke qendruar brenda objektivit te Bankese se Shqiperise, prej 2 – 4 perqind.



- ❖ **Kursi mesatar i kembimit** te monedhes vendase me dy monedhat kryesore te huaja, per muajin Janar 2006, ishte:

- 102.05 leke per dollare
- 123.78 leke per euro




Ne muajin Janar, monedha vendese, rezultoi me nje nencmim kundrejt monedhes europiane, Euros dhe me nje mbicmim kundrejt dollarit amerikan. Sjellja e monedhes sone ne tregun vendas eshte reflektimi i sjelljes se dy monedhave ne tregjet

nderkombetare monetare si dhe i nderhyrjeve ne treg nga ana e Bankes se Shqiperise per te ruajtur nje kurs te qendrueshem.

- ❖ Gjate muajit Janar 2006, **normat e interesit te depozitave** 12-mujore ne leke, kane pesuar nje renie ne vlere absolute prej 0.07 perqind krahasuar me muajin Dhjetor 2005, ku normat e interesit ishin 5.57 perqind. Ne muajin janar 2006 normat e interesit te depozitave 12-mujore ne leke arriten kuoten e 5.5 perqind.

Rritje te lehte per kete muaj kane pesuar depozitat me afat 6-mujor, te krahasuara me nje muaj me pare (Dhjetor '05) me 0.18 perqind dhe normat me afat 3-mujor me 0.26 perqind. Renie prej 0.19 perqind kane pesuar normat per depozitat me afat 24-mujor, te cilat arriten nivelin e 6.63 perqind.

Krahasuar me te njejten periudhe te nje viti me pare, renien me te larte vjetore e kane patur normat e interesit te depozitave 12-mujore dhe 6-mujore, respektivisht me rreth 0.31 perqind dhe 0.41 perqind.,




Depozitat ne valute (euro dhe usd) kane pasur tendenca rritje per muajin Janar, duke ndjekur keshtu nje trend rrites. Rritje te ndjeshme kane pesuar interesat nominale te depozitave ne Euro dhe ne Usd. Rritja e normave te interesit ne valute erdhen si pasoje e rritjes se normave reale te lekut, duke cuar ne kete menyre ne rritje te differences se interesave midis lekut dhe valutes

❖ **Situata buxhetore**

Ne fund te muajit Janar 2006, situata buxhetore, paraqitet si vijon:

1. **Deficiti i pergjithshem** buxhetor arriti ne rreth +5.56 miliarde leke, ose rreth -15.18 perqind e deficitit buxhetor per vitin 2006.
2. **Te ardhurat gjithsej** arriten ne rreth 16.751 miliarde leke ose rreth 7.55 perqind e programit vjetor 2006.
3. **Shpenzimet buxhetore** arriten ne rreth 11.19 miliarde leke, ose rreth 4.33 perqind e totalit te shpenzimeve buxhetore te planifikuara per gjithe vitin 2006.



- ❖ **Deficiti i pergjithshem** arriti ne +5.56 miliarde leke nga 4.42 miliarde leke te parashikuar per kete periudhe 1-mujore, duke tejkaluar kufijte e parashikuar.
- ❖ **Të ardhurat gjithsej** arritën në rreth 7.55 përqind të parashikimit vjetor. Ato përfshijnë:
 - Mbledhjet e te ardhurave tatimore nga administrata e tatimeve dhe doganave në 7.6 përqind të programimit vjetor;
 - Kontributet për sigurimet shoqërore prej 8.92 përqind;
 - Të ardhurat jo-tatimore 8.70 përqind e buxhetit vjetor; dhe
 - Të ardhurat nga pushteti lokal, 5.96 përqind e planifikimit vjetor

Megjithëse shpenzimet totale ishin rreth 4.33 përqind e buxhetit vjetor, **shpenzimet korrente** arriten në rreth 11.078 miliardë lekë ose rreth 5.4 përqind e programimit vjetor, pjesërisht si rezultat i shpenzimeve të larta në pagesat e interesit me rreth 7.3 përqind të buxhetit vjetor, të shpenzimeve për sigurimet sociale me rreth 7.08 përqind e buxhetit vjetor dhe i shpenzimeve operative dhe të mirëmbajtjes me rreth 1.26 përqind e buxhetit vjetor.

❖ **Bilanci i pagesave**

Bilanci i pagesave për tremujorin e katër 2005, rezultoi me një sufiçit të përgjithshëm prej 95.2 milion dollarë. Kjo ishte rezultat i një:

- deficieti të Llogarise Korrente, prej rreth 274.8 milion dollarë;
- sufiçiti të Llogarise së Kapitalit, prej rreth 28.6 milion dollarë;
- sufiçiti të Llogarise Financiare, prej rreth 228.6 milion dollarë;
- bilanci pozitiv në “Gabime dhe harresa neto” prej rreth 112.8 milion dollarë.

Komponentet kryesore të deficietit të **Llogarise Korrente** prej 274.8 milion dollarë ishin një:


- bilanci tregtar negativ prej 539.9 milion dollarë;
- deficieti prej 83.3 milion dollarë në bilancin e shërbimeve;
- sufiçiti prej 45.7 milion dollarë në bilancin e të ardhurave;
- sufiçiti prej 302.7 milion dollarë në transfertat/ të ardhurat nga emigrantët.

Në **baze kumulative**, bilanci i pagesave për vitin 2005, rezultoi me sufiçit të përgjithshëm, prej 151.4 milionë dollarë.


Komponentët kryesorë ishin:

- deficieti prej 557.3 milionë dollarë, në llogarinë korrente,
- sufiçiti prej 123.8 milionë dollarë në llogarinë kapitale,
- sufiçiti prej 385.6 milionë dollarë në llogarinë financiare,
- bilanci pozitiv i gabimeve dhe harresave neto prej 189.3 milionë dollarë.

- ❖ **Oferta totale e parase**, e matur nga M3 arriti në 581 miliardë lekë në fund të muajit Janar, duke shënuar një rritje prje 13 përqind krahasuar me të njëjten periudhë të një viti më parë.



Kjo rritje vjetore, erdhi si pasojë e rritjes së **depozitave pa afat** në lekë me rreth 112 përqind, depozitave në valute me rreth 27 përqind, uljes së depozitave me afat në lekë me rreth 8 përqind dhe rritjes të parase jashtë sistemit me rreth 7 përqind.



Ndikimin kryesor në rritjen e ofertes monetare gjatë muajit Janar e kanë patur rritja e depozitave pa afat në lekë, të cilat vetëm gjatë këtij muaji u rriten me rreth 0.4 miliardë lekë. Depozitat me afat në lekë dhe depozitat në valute pësuan një rritje të theksuar për këtë muaj respektivisht me nga 5.7 dhe 4.2 miliard lekë.

2. TIPARE TE TABELAVE SPECIFIKE:

a. Indeksi i Çmimeve te Konsumit dhe tregues të tjerë:

Indeksi i Çmimeve te Konsumit

Indeksi i Çmimeve te Konsumit, per muajin Janar '06 pesoi nje rritje prej 0.2 perqind, krahasuar me muajt Dhjetor dhe Nentor 2005, kur ky indeks ishte perkatesisht 2.2 perqind dhe 0.2 perqind. Ndryshimet respektive ne te njejtet muaj te nje viti me pare ishin 0.8 perqind, 3.1 perqind dhe 0.5 perqind.

Rritja prej 0.2 perqind e indeksit te çmimeve te konsumit per muajin Janar erdhi kryesisht si rezultat i rritjes se indeksit te çmimeve te grupit “Qera,uje lende djegese dhe energji” me 0.6 perqind. Rritje e cila u shkaktua si rezultat i rritjes se cmimit te qerave te banesave me 0.9 perqind.

Rritje per kete muaj pesoi edhe indeksi i çmimeve te grupit “Argetim dhe kulture” me 0.6 perqind, rritje e cila u diktua nga rritja e çmimeve te nengrupit “Gazeta, libra dhe mjete shkollore” me 0.2 perqind.

Uljen me te madhe gjate ketij muaji e pesoi grupi “Veshje dhe kepuce” ne nje mase prej – 0.6 perqind. Kjo ulje u shkaktua si rezultat i çmimve per nengrupet “Kepuce” dhe “Veshje” respektivisht me nga – 1.6 dhe – 0.5 perqind.

Norma vjetore e inflacionit ne muajin Janar arriti ne 1.4 perqind duke qendruar brenda objektivit te Bankes se Shqiperise.

Ndryshimet vjetore te indeksit te çmimeve te konsumit, ne perqindje, per vitet 2005 dhe 2006 paraqiten ne tabelen e meposhtme :

	Jan	Shku	Mars	Prill	Maj	Qer	Korr	Gusht	Shta	Tet	Nen	Dhj.
2005	3.3	1.8	1.6	1.3	2.0	2.9	1.8	2.3	3.1	3.3	3.0	2.0
2006	1.4											

Kursi mesatar i këmbimit

Kursi mesatar i kembimit te lekut me dollarin amerikan, ne ndryshim nga nje muaj me pare, per kete muaj shenoi nje renie prej 1.23 perqind kundrejt muajit Dhjetor 2005. Ne fund te muajit Janar, dollari amerikan arriti nivelin 102.00 leke/dollare.


Kursi mesatar i kembimit te dollarit ne muajin Janar arriti ne 102.05 leke/dollare.

Kursi mesatar i kembimit te lekut me Euron ne muajin Janar, arriti ne 123.78 Leke/Euro, duke shenuar nje rritje prej 1.01 perqind krahasuar me nje muaj me pare. Ne fund te muajit Janar Euro u kembye me 123.41 leke.

Gjate ketij muaji u konstatua nje nencmim i lekut kundrejt Euros dhe me nje mbicmim kundrejt Dollarit amerikan.

Ne krahasim me muajin Janar te vitit te kaluar rezulton se monedha shqiptare eshte zhvleresuar ndaj dollarit amerikan ne masen 5.4 perqind dhe eshte vleresuar kundrejt


Ndryshimet ditore te kursit te kembimit Janar '06



Vleresimi i monedhes shqiptare Lekut, kundrejt monedhes europiane Euro dhe zhvleresimi kundrejt monedhes amerikane, ne rradhe te pare eshte i lidhur me ecurine e tyre ne tregjet monetare nderkombetare, duke reflektuar sjelljen e tyre ne tregun e brendshem monetar. Kursi i kembimit te euros me dollarin amerikan pesoi nje rritje mesatare duke arritur ne rreth 1.213 dollare/euro.

Ndersa persa i perket faktoreve te brendshem ne ecurine e monedhes vendase gjate kesaj periudhe mund te permendim: flukset dalese te valutes se huaj, norma reale te interesave ne leke me te larta se normat ne valute, rritja e besimit te publikut ne sistemin financiar dhe e biznesit tek monedha vendase etj.

Interesi i huave 12-mujore gjate muajit janar pesoi nje rritje prej 1.60 perqind, duke arritur ne 13.76 perqind nga 12.16 perqind qe ishte ne muajin dhjetor. Renie per kete muaj pesoi norma per interesin e huave 6-mujore me 0.58 perqind, krahasuar me nje muaj me pare. Interesi i huave 6-mujore per muajin janar arriti ne 12.32 perqind.



Normat e interesit te Bonove te Thesarit gjate muajit janar 2006, per bonot me maturim 12 mujor, 6 mujor dhe 3 mujor, ishin perkatesisht, 6.78 perqind, 6.47 perqind dhe 5.25 perqind. Edhe gjate ketij muaj ashtu si ne muajin paardhes, e interesit te bonove te thesarti ndoqen nje trend renes, si rezultat i permiresimit te gjendjes se likuiditeteve ne treg, gje qe u reflektua ne uljen e interesave te transaksioneve ne tregun nderbankar dhe ne uljen e yield-it te bonove te thesarit,.

b. Sektori Fiskal

Buxheti i Konsoliduar

Ne fund te muajit Janar, jane mbledhur rreth 16.751 miliarde leke te ardhura, perkundrejt shpenzimeve te pergjithshme prej 11.190 miliarde leke, qe perfshijne 11.078 miliarde leke ne shpenzime korente dhe 0.112 miliarde leke shpenzime kapitale.

Si rrjedhim, deficitin ishte ne nivelin e +5.56 miliarde leke.

Mbledhja e te ardhurave perben rreth 7.55% te te ardhurave buxhetore per vitin 2006, ndersa shpenzimet perbejne 4.33% te buxhetit te planifikuar. Shpenzimet korente jane rreth 5.40% e planifikimit vjetor, ndersa shpenzimet kapitale jane rreth 0.24% e ketij planifikimi.

Nga te ardhurat gjithsej, pjesa e te ardhurave te mbledhura nga Drejtoria e Pergjithshme te Tatimeve dhe Doganave eshte rreth 11.052 miliarde leke (ose rreth 7.60% e te ardhurave vjetore te planifikuara), te ardhurat e mbledhura nga pushteti vendor 0.669 miliarde leke (5.96% e te ardhurave vjetore te planifikuara), kontributet e sigurimeve shoqerore dhe shendetesore 3.568

miliarde leke (8.92% e të ardhurave vjetore të planifikuara), dhe të ardhurat jo-tatimore në nivelin e 1.438 miliarde leke (8.70% e të ardhurave vjetore të planifikuara).

Nga totali i shpenzimeve korente prej 11.078 miliarde leke, 3.667 miliarde leke (33%) është shpenzuar për personelin, 2.205 miliarde leke (20%) për interesat, 0.268 miliarde leke (2%) për shpenzime operative dhe mirëmbajtje, 0.058 miliarde leke (1%) për subvencione, 4.186 miliarde leke (38%) për shpenzimet e sigurimeve shoqërore dhe shëndetësore dhe 0.570 miliarde leke (5%) për shpenzimet e qeverisjes vendore dhe 0.125 miliarde leke (1%) për shpenzimet e tjera.

Keto përfaqësojnë 5.40% (shpenzime personeli), 7.30% (shpenzime për interesat), 1.26% (shpenzime operative dhe të mirëmbajtjes), 2.26% (subvencione), 7.08% (sigurimet shoqërore dhe shëndetësore), 2.68% dhe 1.08% (për shpenzimet e qeverisjes vendore dhe shpenzimet e tjera) përkundërt buxhetit të planifikuar vjetor.

Shpenzimet kapitale arrijnë në rreth 0.112 miliarde leke nga të cilat 2% financim i brendshëm, dhe 98% financim i huaj.

Shpenzimet kapitale me financim të brendshëm llogariten për këtë periudhë në rreth 0.01% të buxhetit të parashikuar vjetor, ndërsa financimi i huaj është vetëm 0.49%.

Suficiti prej 5.561 miliarde leke është i barabartë me -15.18% të deficitit buxhetor për 2006.

Të ardhurat sipas Burimeve / Klasifikimit Ekonomik

Të ardhurat gjithsej arrijnë në fund të muajit Janar 2006 në rreth 16.751 miliardë lekë, nga të cilat të ardhurat tatimore në rreth 15.289 miliardë, grantet 0.024 miliarde dhe të ardhurat jo-tatimore në rreth 1.438 miliardë;

Nga totali i të ardhurave tatimore, rreth 11.052 miliardë lekë janë mbledhur nga administrata e doganave dhe e tatimeve, 0.669 miliardë lekë të ardhura nga pushteti lokal dhe 3.568 miliarde leke nga kontributet e sigurimeve shoqërore dhe shëndetësore;

Nga të ardhurat totale të mbledhura deri në fund të Janarit:

□ TVSH përbënte	5.261	miliardë lekë
□ Tatimi mbi fitimin	1.485	miliardë lekë
□ Taksa doganore	1.022	miliardë lekë
□ Taksat nacionale	0.938	miliardë lekë
□ Akcizat	1.626	miliardë lekë
□ Transferim fitimi nga Banka e Shqipërisë	0	miliardë lekë;

Financimi i Deficitit

Suficiti prej 5.561 miliardë lekë, në fund të Janarit, ishte 95 përqind me financim të brendshëm dhe 5 përqind me financim të huaj. Emetimi i bonove të thesarit ishte mjete kryesor i financimit të brendshëm, ndërsa për financimin e huaj ishin huatë afatgjata.


c. Sektori i Jashtëm

Bilanci i Pagesave


Tiparet kryesore të bilancit të pagesave për periudhën Janar - Dhjetor 2005 ishin:

Një sufiçit i përgjithshëm në bilancin e përgjithshëm, prej 151.4 milion dollarë, rezultat ky i një:

- deficieti të Llogarise Korente, prej 557.3 milion dollarë;
- sufiçit të Llogarise Kapitale, prej 123.8 milion dollarë;
- sufiçit të Llogarise Financiare, prej 386.5 milion dollarë;
- bilanci pozitiv në Gabime dhe Harresa neto“ prej 189.3 milion dollarë;



Komponentet krye të deficitit të Llogarise Korente prej 557.3 milion dollare ishin nje:



- ❑ bilanc tregtar negativ prej 1,826.9 milion dollare;
- ❑ deficit prej 207.1 milion dollare ne bilancin e sherbimeve ;
- ❑ suficit prej 178.7 milion dollare ne bilancin e te ardhurave ;
- ❑ suficit prej 1,298.2 milion dollare levizjet e transfertave dhe dergesave.


Zërat kryesorë në flukset pozitive në llogarinë kapitale dhe llogarine financiare përfshijnë:

- ❑ flukset pozitive të investimeve direkte prej 295.4 milionë dollare;
- ❑ flukset negative të investime portofoli prej 6.8 milionë dollare;
- ❑ flukset pozitive të kapitaleve të tjera prej 131.0 milionë dollare;

d. Sektori Monetar

Mjetet Valutore Neto te sistemit bankar

Gjate muajit Janar 2005, sistemi bankar ka shenuar rritje te mjeteve valutore neto, ne rreth 80.7 milion dollare krahasuar me te njejten periudhe te nje viti me pare.



Kjo rritje ka ardhur si pasojë e rënies së mjeteve valutore neto të bankave të nivelit të dytë me rreth 35.4 milion dollarë dhe rritjes së mjeteve valutore neto në Bankën e Shqipërisë me 116.1 milion dollarë.

Në muajin Janar sistemi bankar rezultoi me një rritje të konsiderueshme prej 98.7 milion dollarë në mjeteve valutore neto, krahasuar me një muaj më parë (dhjetor '05). Kontributi kryesor në këtë rritje e ka dhënë rritja e mjeteve valutore neto të bankave të nivelit të dytë me rreth 59.9 milion dollarë, si dhe rritjes së mjeteve valutore neto në Bankën e Shqipërisë me 38.8 milion dollarë.

Kredia për ekonominë

Tëprica e kredive për ekonominë në fund të muajit Janar 2006 arriti në 124.7 miliardë lekë. Rritja e tëpricës së kredive, krahasuar me një vit më parë shënoi vlerën 52.6 miliardë lekë, me një rritje prej rreth 73 për qind. Kredia e akorduar nga sistemi bankar edhe gjatë fillimit të vitit 2006 ka qenë në rritje, duke vazhduar kështu trendin pozitiv të nisur që në vitin 2005.

Nga struktura e tëpricës së kredive sipas monedhave vazhdon të mbizotërohet nga kredia në valutë, duke përbërë rreth 74.6 përqind të totalit të tëpricës së kredive.


Në ndryshim nga një muaj më parë, këtë muaj u vu re që pesha specifike e kredive për individët nuk ndryshoi nga ajo e muajit paraardhës duke qëndruar në nivelin 31.5 përqind.

Oferta e Parasë

Oferta e parasë (e matur me M3), për muajin janar ka shënuar një rritje prej 0.58 përqind përqind, krahasuar me një muaj më parë. Kjo ofertë ka përfshirë rreth 581 miliardë lekë në fund të muajit janar duke shënuar një rritje të konsiderueshme prej 3.3 miliardë lekë kundrejt nivelit të regjistruar në muajin dhjetor 2005. Rritja vjetore e kësaj treguesi ishte 13 përqind, duke pësuar ulje të kësaj ritmi krahasuar me 18.3 përqind që ishte gjatë muajit qershor 2005. Ngadalësimi i ritmit të ofertës monetare është reflektuar kryesisht në preferencën e individëve për të investuar në bono thesari, gjë që ka çuar në uljen e depozitave në lekë.

Niveli i parase jashte bankave eshte rritur me 9.4 miliarde leke ne krahasim me muajin janar 2005, por duhet theksuar fakti qe eshte ulur me rreth 7.0 miliarde leke krahasuar me muajin dhjetor 2005. Rritja vjetore e ketij treguesi ishte 7 perqind.


Raporte te parase jashte bankave



Raporti i parase jashte bankave ndaj ofertes monetare, ne fund te muajit janar arriti ne 24.5 perqind duke shenuar nje renie prej 1.36 perqind ne krahasim me muajin dhjetor 2005. Raporti i parase jashte bankave me depozitat ne muajin janar arriten shifren prej 32.5 perqind duke pesuar nje renie mujore prej 2.44 perqind ne krahasim me muajin dhjetor 2005.

Depozitat ne leke si perberesi kryesor i ofertes monetare, kane pesuar nje rritje te konsiderueshme prej 6.1 miliarde leke ne krahasim me muajin dhjetor 2005. Rritje gjithashtu gjate muajit janar pesuan edhe depozitat ne valute, te cilat ne fund te muajit janar 2006 shenuan nje rritje prej 4.2 miliarde leke ne krahasim me muajin dhjetor 2005. Norma vjetore e rritjes se tyre ne fund te muajit janar arriti ne 27 perqind nga 31 perqind qe ishte ne fund te muajit dhjetor.

Raporti Depozita/M3




Rritja e depozitave në valutë gjatë muajit Janar është mbështetur kryesisht në rritja e depozitave të sektorit privat, të cilat kanë përbërë rreth 74 për qind të rritjes së depozitave totale në valutë.

Depozitat sipas Burimeve

Gjate muajit janar 2006:

- Sektori i individeve, zuri nivelin me te larte te depozitave pa afat ne leke me rreth 65 perqind, ndjekur nga sektori privat, me rreth 22 perqind dhe nga ndermarrjet jofinanciare publike me 9 perqind.
- Individet dhe sektori privat ishin gjithashtu burimi me i rëndësishëm i depozitave në monedhe të huaj, perkatesisht me rreth 76 perqind dhe rreth 18 perqind.
- Familjarët ishin dukshëm burimi me i rëndësishëm i depozitave me afat në lekë (96 përqind e totalit)

**Kontribiti i sektoreve ne totalin e depozitave
Janar 2006**



➤ Në përgjithësi, familjarët përbëjnë pjesën më të madhe (rreth 83 përqind) të depozitave totale prej rreth 438 miliardë lekë në muajin janar 2006. Ata ndiqen nga sektori privat (12 përqind), ndërmarrjet publike jo-financiare (3.44 përqind) dhe autoritetet lokale (1.00 përqind). Institucionet

financiare kontribuan me rreth 0.70 për qind në totalin e depozitave.

- Gjatë muajit janar 2006, krahasuar me një muaj më parë, niveli i përgjithshëm i depozitave u rrit dukshëm me 10.4 miliardë lekë, si rezultat i rritjes së depozitave pa afat në lekë (0.4 miliard lekë), depozitave monedhe të huaj (4.2 miliard lekë) dhe depozitave me afat në lekë (me rreth 5.7 miliardë lekë).

➤ Depozitat pa afat në lekë të familjeve, pesuan një rritje të konsiderueshme prej rreth 0.3 miliard lekë, ndërsa depozitat me afat në lekë të familjeve pesuan një rritje, prej rreth 28 miliard lekë.